



*Kamis, 12 Desember 2024*

**Ogen: Lukas 7:38,44**



**Iburihina Alu Iluhna**



**A**yat enda e me sada bagin i bas percakapen Jesus ras Simon, sekalak Parisi, i bas konteks sekalak diberu perdosa reh nehken kehamaten man Jesus i bas rumah Simon. Ayat enda nuduhkan perbandingan antara sikap Simon ras perbahanen diberu e.

I bas budaya Timur Tengah, kususna i bas budaya Jahudi paksa e, sekalak tuan rumah semalna mereken lau man temue guna murihi nahe selaku tanda kehamaten. Tapi Simon la mereken palayanen e man Jesus, si nuduhkensa kurangna pengergan ntahpe perhatinna nandangi Jesus. Sebaliknya, diberu e murihi nahe Jesus alu iluhna si jadi tanda perbahanen si dem kekelengen ras kinteruken ukur. Perbahanen si diberu e nuduhkan pengakun nandangi kebutuhenna kerna lias ate ras pengalemi dosa. Jesus ngidah maka penghormaten si tuhu-tuhu man baNa labo tergantung ku bas status sosial ras kesempurnan moral tapi ku bas sikap pusuh perukuren si dem keleng ate, kinteruken ukur ras pengataken bujur.

Iluh megati ianggap sebage simbl perasaan simbages, subuk kmealemen ate, aru ate, penyesalan ras spiritualitas. Ibas tradisi spiritualitas, iluh ianggap sebage cara guna melepaskan ate mesui, dosa, ntah pe beban emosional. Bagi lau mbersihkan kotoren, iluh iteki mbersihkan pertendin arah baban geluh, mere ruang guna mpelimbarui geluh. Iluh jadi sada tanda pertobatan i bas diberu e. Iluh diberu e, nandakensa penyesalen ras pertobatan nandangi dosa-dosana janah iumputi alu perbahanen keleng ate si nyata. Enda nuduhkensa maka kiniteken si nggeluh lalap teridah i bas perbahanen keleng ate.

Si jadi perenungen man banta, apakah perbahanenku si sederhana nuduhkan keleng ate ras kehamatenku man Tuhan Jesus? Apakah aku bagi Simon si merasa cukup benar ntah aku sadar nandangi kebutuhanku kerna lias ate Tuhan e? Uga aku banci encidahken keleng ateku man Tuhan arah pelayanen nandangi sapih manusia?



*[The main body of the page is a large, blank white area with a wavy top edge, intended for writing.]*